

Mawlana Shaykh Muhammad Adil ar-Rabbani

GUNAAHO KE DARWAZE KE QAREEB MAT JAO

*As-Salāmu ‘Alaykum wa RaḥmatuLlāhi wa Barakātuh.
A‘ūdhu BiLlāhi Minash-shayṭāni r-raḥīm. BismiLlāhi r-Raḥmāni r-Raḥīm.
Wa ṣ-Salātu wa s-Salāmu ‘alā Rasūlinā Muḥammadin Sayyidi l-Anwālina wa l-Akḥirīn.
Madad yā RasūlAllāh, Madad yā Sādāti Aṣḥābi RasūlilLāh, Madad yā Mashāyikhinā,
Dastūr Mawlana Sheikh Abdullah al-Fā’iz ad-Dāghistāni, Sheikh Muḥammad Naẓim
al-Ḥaqqānī. Madad. Tarīqatunā aṣ-Suḥbah wa l-Khayru fī l-Jam‘iyyah.*

Bismi Llāhi r-Raḥmāni r-Raḥīm:

إِنْ تَجْتَنَّبُوا كَبَائِرَ

(Qur’ān 04:31) ‘In tajtanibu kabāir’, ‘Agar tum bade-bade gunaahon se bachoge.’ Sadaq-Allahu-l-Azeem. Allah ‘Azza wa Jalla Qur’ān ‘Aẓīmu sh-Sha’n mein farmata hain, “Badey gunaahon se bacho.” Badey gunaah hain aur chhote gunaah hain. Beshak, Allah ﷻ sab kuch maaf farma deta hain. Lekin Allah ﷻ farmata hain: “Badey gunaahon ke qareeb bhi mat jao.” Aur un cheezon ke nazdeek mat jao jo iska darwaaza kholtay hain. Allah ﷻ farmata hain, “Apni aankhon ko haraam se bacha ke rakho.” Aur jo tum khaate aur peete ho us par bhi dhyaan do; tasdeeq kar lo ke yeh halal ho. Kisi ka haq mat maro. Iss baat par tawajjuh do. Kyunke jo shakhs haq-talfi karta hai, woh doosre gunaahon mein bhi muhtala ho sakta hai.

Haq-talfi karna ek gunaah hai. Yeh bade gunaahon mein se ek hai: kisi dusre ka haq chheen lena. Aaj-kal ke daur mein yeh bahot paya jaata hai. Yeh maddi bhi ho sakta hai aur roohani bhi. Maddi taur par, yeh dhokha de kar, logon ko fareb de kar aur unka paisa chheen lena hai. Roohani taur par yeh nayi-nayi rahein ijaat karna hai; aisi rahein jo Islam ka hissa nahin hain. Jo koi iss darwaaze se andar jayega, woh halaak ho jayega. Iske barey mein jaane baghair woh yeh gunaah kar chuka hoga.

Isiliye, yeh daur hi sabse bada khatra hai. Duniya ke paida hone se lekar aaj tak, aisa waqt kabhi nahin aaya. Beshaq, har daur mein kuch na kuch hota raha hain. Kuch log kehte the, “Meri ibaadat karo, iss ki ibaadat karo, us ki ibaadat karo.” Unhone un logon

Mawlana Shaykh Muhammad Adil ar-Rabbani

ko aisa karne par majboor kiya, ya phir log jahalat mein muftala the. Ab log aisa samajhte hain ke woh khud sab kuch jaante hain. Apne haath mein iss aalay (machine) ko dekhte hain, aur kehte hain, “Humein sab kuch malum hain.” Lekin, hum “Jahiliyyah ath-Thaniyah”, yani ‘Jahaalat ka doosra daur’ mein jee rahe hain, jaisa ke humare Rasool sallā Llāhu ‘alayhi wa-sallam ne irshad farmaya.

Humein iss baat par bahot ehtiyaat karni chahiye. Gunaah ek bojh hai. Yeh insaaniyat ke liye ek burai hai. Har kisi ko tauba karni chahiye, maghfirat talab karni chahiye aur haq raaaste par laut aana chahiye. Kyunke, jaise humne kaha, iss daur mein gunaah karna bahot aasaan hogaya hai. Nek kaam karna bahot mushkil ho gaya hai. Allahﷻ ki ita‘at karna mushkil hogaya hai. Isiliye, humein iss baat par bahot ehtiyaat karni chahiye. Kisi insaan ko gunaah par ba-zid nahi rehna chahiye. Agar aap ba-zid rahe to gunaah qaim rahta hain. Agar aap tauba karlein aur maghfirat mangay, Allahﷻ aap ko maaf farma deta hain. Allahﷻ hum sab ko maaf farmaye. Allahﷻ humari hifazat farmaye. Allahﷻ hum sab ko gunaahon aur burai se mehfooz rakhain.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
12 August 2025/ 18 Safar 1447
Fajr Prayer – Akbaba Dergah, Istanbul